

Na osnovu člana 5. Zakona o štrajku („Službene novine FBiH“, broj: 14/2000) i člana 128. Zakona o radu („Službene novine FBiH“, 43/99, 29/03), Samostalni sindikat osnovnog obrazovanja i odgoja Federacije Bosne i Hercegovine – Kantonalni odbor USK-a, Sindikat srednjeg i visokog obrazovanja, odgoja, nauke i kulture Bosne i Hercegovine – Kantonalni odbor USK-a Bihać i Ministarstvo obrazovanja, nauke, kulture i sporta u Vladi Unsko-sanskog kantona, kao predstavnik poslodavca, zaključuju u Arbitražnom postupku

Sporazum o minimumu poslova koji se ne mogu prekidati za vrijeme trajanja štrajka

Član 1.

Ovim Sporazumom utvrđuju se poslovi koji se ne mogu prekidati za vrijeme trajanja štrajka .

Član 2.

Za vrijeme trajanja štrajka osigurati će se minimum slijedećih poslova:

- Poslovi sekretara – blagajnika i knjigovođe koji se odnose na obračun plaća i drugih primanja,
- Neodložni poslovi pedagoga, logopeda i defektologa ,
- Poslovi pomoćno i tehničkog osoblja (domar, ložač , vozač, radnici na održavanju higijene i drugi zaposlenici u tehničkim i stručnim školama), a koji se odnose na hitne i neodložne poslove predviđene sistematizacijom,
- Poslovi nastavnog osoblja i stručnih saradnika koji se odnose na upis učenika u prvi razred osnovne i srednje škole,
- Poslovi izvršavanja obaveza koje proizilaze iz zaključenih ugovora
- Poslovi individualnog i kolektivnog usavršavanja, nastavnika i stručnih saradnika,
- Poslovi izdavanja svjedodžbi za završne razrede osnovnih i srednjih škola,
- Redovno održavanje nastave završnih razreda, samo ukoliko se štrajk održava u vrijeme kraja školske godine.

Član 3.

U okviru minimuma procesa rada za vrijeme trajanja štrajka, zaposleni su dužni da budu u školi u vrijeme od 08,00 – 12.00 sati, a štrajkački odbor, Sindikalni odbor u svojstvu pregovarača u vremenu od 08,00 – 12,00 sati, osim poslova iz člana 2. stav 1. alineja 8. ovog Sporazuma.

Član 4.

U toku trajanja štrajka učenici neće dolaziti u školu o čemu će biti obaviješteni putem sredstava informisanja i oglasnom tablom u školi.

Član 5.

U toku organizacije i provođenja štrajka, poslodavac i učesnici u štrajku pridržavat će se odredaba Zakona o štrajku, Zakona o radu i Pravila Sindikata o štrajku, usklađenih sa Zakonom o štrajku i ovim Sporazumom.

Član 6.

Ovaj Sporazum stupa na snagu danom potpisivanja.

Arbitražno vijeće.

Neovisni član:

- Predsjednik Arbitražnog vijeća – Čirić Smiljko 
- Vlada USK-a
- Kantonalni pravobranilac – Vahid Čoralić 
- Predsjednik KO SSOIO USK-a – Hadžić Zehra 
- Predsjednik KO SSVONK-a USK-a – Fajić Samir 

Kantonalni odbor Osnovnog
obrazovanja i odgoja USK

BIHAĆ
Broj: 01-172-44/15
Datum: 17. 04. 2015

SINDIKAT SREDNJEG I VISOKOG OBRAZOVANJA,
ODGOJA, NAUKE I KULTURE BIH
KANTONALNI ODBOR

BIHAĆ
Broj: 01-SF-23/15
Datum: 17. 04. 2015 god.